



Орган Лемковского Союза

Выходит в каждый четверг.

Редакция и администрация в Крыниці. — Адрес „Лемко“ Крыница.

Господарче значенє Горского С'їзда в Новом Санчі.

Як уж нераз мы писали, от р. 1935 каждого року в місяци серпні odbyвають ся т. зв. Годскы С'їзды, на котры приїжджают группы со всіх теренов горских почавши от Шлеска аж по Гуцульщину. Тізды тоты уряджат ся што два roky в великих розмірах; тревают они втотчас 1 тыждень и носят назву „Свята Гор“. На переміну со „Святами Гор“ уряджат ся каждого другого року меньши „Горскы С'їзды“ треваючи звичайно 3—4 дней.

В том році такый меньший „Горский С'їзд“ уряджено в днях от 12—15 серпня в Новом Санчі. На с'їзд тот приїхали группы гуцульскы, бойковскы, лемковскы, сандецкы, подгалянскы, гуральскы, оравскы и шлескы и продукували ся своима прекрасныма региональныма співами, танцами и обрядами.

Але не на том кончит ся ціль „Горских С'їздов“. Горскы С'їзды уряджат статутарне Т-во „Союз Горских Земель“ („Зв'онзек Зем Гурских“), котре взяло собі за головну ціль поднести культурально и господарчо села в Карпатских горах.

До той цілі „Союз Горских Земель“ стремит систематично и упорно чере: 1) розбудову школ в горских селах, 2) оживлене руху турыстычно-літніскового, 3) розбудову дорог, так возовых, як и желізничих, 4) поднесенє господаркы пашной в горах, 5) поднесенє горских сел под взглядом санитарным, 6) опеку над лісами и поднесенє деревляного промыслу, 7) поднесенє продуктов молочных и т. д.

На час „Горских С'їздов“ назначат ся отже, кромі импрез, продукованых через региональны группы, также общи собрания членов Союза Горских Земель, господарчи нарады и показ господарчих осягнень на даном терені.

В тогорочных нарадах господарчих приняло участь понад 700 людей, котры мали случайность прислухати ся нарадам в рижных комиссиях, ставляти там свои внесеня и высказывати боли и жаданя.

Як велике заинтересованє возбудили тоты нарады, свідчит о том факт, же ухвалено на них перешло 100 внесень, представлених на засіданю головної рады Союза Горских

Земель и относячих ся до потреб населеня, жиючого в горах.

Внесеня тоты сут програмом діяльности „Союза Горских Земель“ на слідующий рок и будут в міру возможности реализованы. Внесеня праві всі мають характер господарчий, бо Союз Горских Земель, то не якеси по-

Хлоп робит, а посередник усталят ціны.

Фабрыкант, чи ремесник, вырабляючи якийси товар, знає ціну своего товару и продає его все с заробком.

Оден хлоп робит цілый рок на грунті, продукує зерно и пашу, ховат худобу, отже дає людям того, чого люде найбарже потребуют и без чого не могли бы жити, а не знає николи, килько ему за его товар заплатят. Он іде на торг, як бы сліпый и аж на торзі прислухує ся, як платят посередники другим за подобный товар. Хлоп не має власных цін и ціну за выпродукованный через него товар усталют посередники, котры пасут ся на тяжелой роботі хлопских рук.

Кто знає подгорскы місточка на Лемковщині, тот видит, же в каждом с тых місточок єст дуже богачей, котры поробили грубы маєтки на торговлі свинями и худобом. А пречя тоты люде не ховали ани статку, ани свиней. Статок и свині виховал хлоп на селі, а они купили лем привезеный до дому готовый товар и заробили на нем тилько, же стали ся богачами.

Смотрячи на того, жаль стискат серце, же хлоп, котрый наробил ся так, же аж ся с него ляло, приїзджаючи до міста со своим товаром, мусит ся пытати посередника о ціну на свой товар и мусит его продати за тилько, килько дадут ему посередники. Так єст со всіма продуктами сельского господарства. Так єст при продажи рогатой худобы, коней, свиней и овец, так єст при зерні и паці, так єст также при продажи набілу, ярин и овощей. Иначе єст лем при товарах фабрычных. Хоче хлоп купити косу, топор, пилу, чи инший фабрычный товар, то там ся никто хлопа не пытат, килько он вартат, лем каже собі

литычне товариство, а єст то организация, котра приняла собі за ціль поднести передовсем господарчо горскы села. Союз Горских Земель дбає, штобы хлоп, жиючий в горах мал што їсти и в што ся приодіти, штобы его хата была чиста и здорова и штобы хлоп жиючий в той хаті мал за што купити собі пожиточну господарчу книжку и газету.

Такє єст наставленє „Союза Горских Земель“ до хлопа и о том его наставленю повинни хлопы знати и памятати.

платити добру ціну и хлоп платит. Коли хлопы скаржат ся, же ціна єст за висока, то видимє, же правительство мусит ся добре с фабрыкантами наторговати, штобы хоц на пару грошей ціну обнижити.

Чи не даст ся того николи змінити? Чи хлоп має быти все том дойном коровом, котру всі доят и ей молоком ся пасут? Чи ніт ниякой рады на того, штобы за хлопа усталыли ціну его товаров посередники?

Єст на того рада и то барз проста, лем же хлопы барз часто не хотят ей слухати. Том радом єст господарча организация села, полягаюча на том, штобы села закладали у себе кооперативы продажи

По наших селах сут кооперативны склепы, але они занимают ся лем спроваджанем фабрычных товаров и продаванем тых товаров своим членам и сусідам. Склепы тоты однак не розвивают своей діяльности в том напрямі, штобы они продавали также продукты своих членов и то єст може найслабша сторона нашої кооперации. На достарчаних селу фабрычных товарах заребят склеп, але люде мають с того невелику користь, бо фабрычны товары мають свою усталену ціну. Натоміст через кооперативы продажи сельских продуктов можна буде усталити ціны тых продуктов, на котрых пасут ся посередники и через таке усталєнє цін принести селу великы доходы.

Прото тыж наши села повинни собі сказати раз на все: проч с ярмарками — проч с торгами! Они повинни перестати їздити на торгы до міст, а всі свои товары продавати при посередництві основаних через себе кооперативов продажи.

Пренумерата в краю:

30 грошей місячно,
80 „ квартално,
1.50 „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:

Ціла сторона 120 зл., $\frac{1}{2}$ сторони 60 зл., $\frac{1}{4}$ сторони 35 зл., $\frac{1}{8}$ стор. 20 зл., $\frac{1}{16}$ стор. 10 зл.; оголошенья малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знизка.

Контото чекове Нр. 404.155.

Одомаш у нас и у других народов.

Люде на селі сут звязаны тісно со святом земличком, котра их кормит и дає удержане цілою родині. Землю свою уважають не лем за варстат роботы, але также за результат своего труда и божественну благодать.

Тяжка ест работа хлопа на селі. Нелегко приходит ему тот фалаток хліба и прото никто инший не уміє его так шанувати и так ся ним тішити, як хлоп. Тоту радость проявляют хлоп найчастійше втотчас, коли Всевышний допомог звести ему овоч своего цілорочного труда до стодолы — коли закончил он зерняны роботы (жнив). Втотчас радує ся его душа, а же наш руснак не радо сам ся бавит и любит поділити ся своим так смутком, як и радостью, то запрашат он звычайно втатчас до себе сусідов и приятелей и робит „одомаш“.

Звычай роблення одомашу, сягат барз давных, ище поганских часов. Уж втотчас наши предки, так як зрештом и предки всіх славян, тішили ся и радовали с оказии счастливого позберання землеплодов.

Давнійше в одомашах выступали переважно дівчата и жены. Они вили прекрасный вінець с зерна, часто в виді короны, в котрый вплітали червены яблока, листе с оріхов, а на верху осаджали медовник. Вплітано отже в тот вінець всьо, што дає поле, сад, ліс, пасіка и т. д.

Дівчата вручали вінець господареві, котрый прикрашал ним свою світлицу и выкыршивал с него зерно до першой горсти слідуемого сіву.

Господар гостил гостей, а по гостині зачинала ся забава с танцами и співом.

Звычай роблення одомашу заховаля ся у нашого народа до недавна и аж в послідных роках стає ся занедбаний.

Однак не лем у славян праздновано святочно час закончення зерняных работ. Подобны торжества сут знаны также в Индиях и Азии и носят там назву „свята жнив“. Найкрасше обходять тото свято в державі Сиям. Уж долго передом всі приготавлиют ся до того свята, звязаного с богослуженем, в котром дякуют Богу за обильны плоды. В день самого свята тягнут ся по селах великы процессии, котрых участники сут одіты в богату старинну одеж, а на водах роит ся от лодок, наполненных молодежом, співаючом обрядовы пісні. В столиці Сияму, Бангхонгу в святі при-

нимат участь король со своим двором, духовенство, войско, дальше „святы баволы“ и величезны гурмы народа, прибывшого там с цілого краю. Король, прибранный в старинну одеж сам провадит плуг и крає першу скибу под новы засівы. Плуг тот тягнут 2 пары святых волов. По выкраю скибы всі удають ся на площу, где подають „святым баволам“ на місці „дары землі“. Котры с тых даров сідят баволы, на тоты буде неурожай при слідуемых жнивах. Наибольше увагы звертають на тото, чи баволы не сідят рыжу, котрый ест там основным артыкулом поживы. Если баволы не сідят рыжу, всі тішат ся и веселят, бо берут тото за добру ворожбу на будущность. Всяди отбывають ся забавы, співы и танцы. Всі веселят ся и радуют, а завтра роспочинають нову тяжку роботу в плянтациях рыжу.

Цікавы звычаи в Сербии.

Торг на дівчата.

Што край, то обычай, гварит народна приповідка. И напавду, коли придивити ся житю рижных народов, то видит ся в каждом с них масу розмаитых звычаев и обрядов, незнанных в других краях. Нпр. в Сербии, в маленком місточку Кралево ест торг, якого ніт нигде в инших краях, а именно торг, на котром можна купити собі... жену. Торг тот припадає в день по св. Йоані и приїзджають на него люде праві с цілою Сербии.

Торг, як торг, — на око не рижнит ся ничим от отпуста, або звычайного торгу по містах. Люде крутят ся коло страганов, катаринки грають, карузели вертят ся, гандляры захвалають свої товары... Але в кути великого пляцу, где отбыват ся торг, находит ся поднесене, зроблене с дощок, штоси, подобне до сцены.

На той сцені стоять прекрасно одіти, молоды, красны дівчата (цыганки), бесідують меже собом и нибы не звертають цілковито увагы на крутячих ся вокруг них молодых цыганов, котры приглядають ся им цікаво. Дівчат тых ест парунадцетеро, а часом и паруде сятеро.

Перед поднесенем крутят ся бородаты

цыгане, отцы дівчат, выставленых „на продаж“.

Молоды цыгане приглядають ся дівчатам, радят ся меже собом и тот, або другой подходить до одного с отцов и зачинат ся торг. Ціны хвіют ся от 200 до 300 динаров, але если ест дівчина барз красна, то ціна доходит до 350, а часом и до 400 динаров.

Торг зачинат ся на пляцу перед поднесенем, але кончит ся все в корчмі при пугарку вина. Там молодой дає своему будучому тестови часть умовленной ціны и усталають термин шлюбу.

„Продана“ дівчина не знає звычайно, кто ест ей женихом. Трафят ся однак и так, же молоды знають ся и уж давно ся полюбили, але тепер удає молодой, же перший раз видит дівчину и торгує ся до послідных границ с ей отцом.

Цыганы в Сербии вірят, же жена „куплена“ на торзі в Кралево ест добром товаришком и прото не бракує там николи охотных до купна.

Помер Глинка. В Словакии помер предводитель словаков, ксьондз Глинка на запалене легких (ключей).

Иден вертат знова до політыкы. Газеты англицкы доносят, же б. министр справ заграничных Англии, Иден занимат ся знова актуальными справами політычными и хоче прийняти в політыці активну участь. В послідных часах интересує его передовсем справа ческа, чого доказом сут численны его конференции с представителями ческой дыпльоматии в Лондоні.

Архикнязь Габсбург засуджений за выдаване чеков без покриття. В Парыжі суд засудил на кару 6 місяцов вязницы и 50 фр. грошевої кары Франца, Иронима архикнязя Габсбурга, походячого с родины австрийских цисаров за тото, же в р. 1931 выдал чек без покриття на суму 5.000 фр. и пак выїхал с Парыжа. В в липні т. р. полиция француска выкрыла архикнязя в Ницеи и там его арештовала. В виду того, же в межчасі архикнязь чек выкупил суд на росправі апелляційной освободил его от кары вязницы, удержуючи лем кару грошеву.

М. А. Т.

Мои воспоминны с 1914 р.

(Продолжене).

В Новом Санчі нас перетримано до дня 3-го вересня, отже цілый місяц. В том часі освобождено пок. о. Гавр. Гнатышака и за пару дней знова его арештовано и перевезено до Кракова, припроваджено до арештов пок. Юлиана Стеранку, желізнодорожного урядника с Нового Санча и пок. Теодора Мохнацкого, властителя реальности в Мохнацці Нижной. Того послідного поміщено в нашей келі, чим мы ся сильно утішили.

Одного прекрасного дня перед вытранспортованем нас с Н. Санча, увидили мы на улиці перед крыминалом дві дочкы о. Гнатышака, Ольгу и Марию и дочку о. Венгрыновича с Тылича, Стефанию. Они видно хотіли нам штоси сказати, або попросту хотіли нас привитати и постолити пару минут далеко перед нашими окнами. Жандармерия досмотріла ся в том „зрады“ арештовала их и передержала пару дней.

Дня 3. вересня вчас рано достали мы приказ паковати ся, а коло год. 7. перепроводили нас на стацию в Новом Санчі. Там помістили нас в желізнодорожных магазинах, где показовали нас, як звірята в менажериях. Коло нас переходили гурмы народа и не щадили нам „крылятых“ слов. Што найсмутнійше, же робили тото не лем люде просты, не розбераючи ся в положеню, але также интеллигенты с университетским образованием. Не забуду факту, коли професор гимназии в Н. Санчі, Лямбор, бывший господар клясы пок. Теодора Гнатышака, приступил до него и почал его вызывати от... сынов, або коли начальний

управитель вагонных варштатов инж. Сухенек такыма самыма словами привитал пок. Юл. Стеранку. В загалі в том тяжком для нас часі, мы спостерегли, же с наибольшом ненавистю ку нам относят ся желізнодорожники. Чудовало нас тото тым больше, же мы знали, што сут они праві всі социалистами, отже людьми, котры ведля програмы прийняли на себе обовязок бороти ся за права человека, а также повинни быти противниками войны. Тымчасом в их цілов в виду нас поведеню перебывала така ненависть и воинственность, же готовы ся были в любой момент шмарити на нас и вымордовати.

Около полудня всадили нас до тягарного воза и мы отїхали в напрямі Хабовкы, не знаючи, где нас везут. Поїз іхал страшно поволи и мы стояли по стациях долго. Желізнодорожники давали о нас телефонично знати слідующим стациям нас всяди встрічали гурмы народа, котры шкалили нас и ганьбили. Передовсім всі звідовали ся о Стеранку, котрого безчестили безпощадно, помимо того, же ище місяц передом всі его шанували и респектовали, яко желізнодорожного урядника. Я лично перекопанный, же его навіт любили, бо был то человек отзывчивый, услужный и все старал ся каждому помочи радом и ділом. Але массы зміняють скоро свои перекопання и чувства и тепер выстарчило, штобы росповісти пару глупых небылиц о бомбах, а уж чувство любви и поважания замінило ся на ненависть и злобу.

Около години 9-ой вечером доїхали мы до Кальварии и там переточено вагон с нами на сліпый тор, далеко за стацию. Вокруг тору были розміщены группами отряды австрийских войск, котры палили огні, варили собі страву, грали, бавили ся співами. Для забавы также подходили они в ночи под наш вагон и нибы то тихо, но так голосно,

На Далеком Виході успокоило ся.

Положене на Далеком Виході успокоило ся. Через якийсь час здавало ся, же мусит прийти до войны меже Японіом и Росіом. Властиво, то тота война уж ся зачала, бо были регулярны бои, о котрых доносили офіційно комунікаты совітских газет, не было лем выповідження войны, ждали с дня на день. Але Японія, ведуча войну с Кытаєм, здає собі справу с безуспішности нової войны и тому шла она на уступки, котры допровадили до перерваня военной акції в Манджурії.

Обі сторони згодили ся на тото, же утворят комісію, зложену с двох делегатів манджурско - японских, котра має усталити границу меже сов. Росіом и Манджуріом. Литвинов жадал, шобы до комісії покликано ище делегата третей держави, котрый бы своим голосом мог рішити справу в користь або Совітов, або Манджурії, однак Японія не згодила ся на тото и ту лежить опасність, же комісія не потрафит перевести наложену на ню акції, бо все буде голосувати двох против двох.

Прото тыж европейскы державы уважают, же ест то лем передышка и же на Далеком Виході грозит дальше опасність войны.

В звязи с военными операціями на Далеком Виході мал марш. Блюхер достати остру нагану за свою діяльність под Чанг-Ку-Фенг, котра дала кривавы результаты. Бесідує ся навіть о откликаню его с Далекого Виходу и перенесеню до центральної Росії.

Ведля кружачих в Москві поголосок, на послідном засіданю рады народных комисарей дошло до острого конфликта меже Ворошиловым и Литвиновым.

Ворошилов мал зашмаряти Литвинову, же он своим дипломатичным интригами мал допровадити до того, же Росія змарновала добру случайность побитя Японії. Подобне добре положенне може ся уж не повторити. Треба быти направду врагом Совітов, шобы не використати ситуації — заявил Ворошилов.

В Москві панує переконанне, же до головної росправи меже Ворошиловым и Литвиновым приїде аж по приїзді марш. Блюхера до Москвы. Втотчас оден с них мусит уступити. Ворошилов мал заявити, же в разі откликания Блюхера с Далекого Виходу, он уступит со свого становиска комисара военных сил Совітов.

Также Англія и Франция остерегают Німеччину перед чим нибудь таким, што могло бы выкликати конфликт в Европі.

В виду занятя такого положення через всі европейскы державы Німеччина мусить ся числити с тым, же в разі выкликания войны, она остала бы сама. Тото примусит Німеччину, же на разі скончит ся все на брэнканю шаблями, котры Німеччина в послідном часі так радо показує.

До чого доводит партийна ненависть. В селі Брыню коло Станиславова ест отдавна священником старенький и честный о. Иполит Бабяк. Отец Бабяк, то знамый рускый патриот, котрый за свои стойкы переконання бы вывезеный в часі світової войны до Талергоф и там ділил судьбу других мучеников. Тепер то уж 72-літний, спокойный старик, тишачий ся симпатіом и поважаням руского и польского населеня. О. Бабяку приділили церковны власти яко сотрудника „українского діяча” о. Григорія Закалука, котрый в коротком часі перестал уважати о. Бабяка за пароху и рядил ся в парохію, як бы он, а не о. Бабяк был парохом. Недавно до о. Бабяка звернул ся парохіяннин Петро Антоняк и просил его окрестити ему дітину. О. Бабяк оділ ризы и хотіл приступити до св. тайны крещения. Нагло в том часі появил ся в закрытій о. Закаляк, шмарил ся на старика и здер с него ризы. Старенький и примірний священник, не хотячи допустити до дальшой соблазны, окрестил дітину в приходском домі. Вість о той напасти росагитованого сотрудника рознесла ся скоро по окрестности. Старик-священник не хотіл однак скажити своего нерозумного собрата. Зробили то парохіяне, котры домагают ся одночасно перенесення росполитыкованого о. Закаляка. Закаляк буде отвічати перед судом за зневажене О. Бабяка, яко урядника в службі и перешкодженя ему в выполненю религиозных чинностей.

Жидаы мають мешкати разом. Во Відні высяляют всіх жидаов с гминных домов. В коротком часі має ся появити заряджене, же всі віденскы жидаы мусят мешкати в одной части Відня в т. зв. Леопольдштадт. В інших кварталах Відня не можна буде жидам мешкати. Таксамо нежидаы не будут могли мешкати в „Леопольдштадт”.

Демонстрация Німеччины на ческой границі.

Перед двома тыжднями приїхал до Чехословакии делегат лорд Ренсимен, шобы на місци розслідити справу меньшинств в Чехословакии и дати чешскому правительству гдеякы рады для остаточного полагодженя той справы. Таке вмішательство Англіи в внутренны справы Чехословакии наклады на Англію обовязок боронити Чехословакию в разі нападу на ню через Німеччину.

Прото тыж велике занепокоинне выкликати заповідженны великы німецкы маневры над

границом чешском. В маневрах тых має выступити 1,350.000 німецкого войска. Маневры сут уважаны за демонстрацію в виду Чехословакии и йима Німеччина хоче показати світу свою милитарну силу. До маневров тых покликано 750.000 резервистов и выдано приказ всім мужчинам пониже 65 літ не выїзджати за границу. што ест равнозначне мобилизации.

Всё тото выказывало бы, же Німеччина хоче силом примусити Чехословакию до принятия всіх жадань, высуненых через судетских німцов. Против тому однак промавляют факт, же италийанскый марш. Бальбо, выступаючи именем Муссолини мал радити Гитлерови, Гессови и Герингови, шобы Німеччина поступала повздержно, бо Италия не мала бы ниякого интересу в выкликаню конфликту, через занадто агресивну акцію Німеччины в центральної Европі.

Розбил ся о горы чешскый самолет. Чешскый комунікаційный самолет, котрый вылетіл с Прагы через Штрасбург до Парыжа по поводу сильной гмы ударил о верхы гор в місцевости Оберкурх в Бадении и розбил ся. В катастрофі погыбло 16 людей, а оден ест тяжко раненый.

шобы поодынокы слова доходили до нас, нараджали ся, коли и где буде найлучше нас розстріляти. Таки розговоры вели ся пару годин, и не можна сказати, шобы они были для нас занадто милы. Над раном заїхала льокомотыва и нас повезли дальше, а коло години 3-ой рано мы высїли в Вадовицах, где по докладной ревизии розміщено нас по арештантских келях. Змучены и невыспаны легли мы спати, але ненадолго, бо оказало ся, же в постелях находит ся тьма іменна блошиц, котры ходили по нас, як муранкы по своей купі.

На зроблене нами представлене, управитель арештов, дал нам нафту и позволил отчистити наши келі. Приняли мы ся за роботу и вечером можна было спокойно положить ся до постели. В Вадовицах жило ся нам пару дней взглядно добре. Управитель арештов позволил нам курити и достарчал с міста замовлены провіянты и инши товары. Рыгор был значно мягчий як в Н. Санчі и мы робили дост долги прогульки по дворі и огороді. По пару днях приїхал до Вадовиц великий, зложеный с понад 800 людей транспорт с Дрогобыча, Журавна, Жидачева и Стрия. Маса приїхавшой интелігенции оживила наше нудне и одностайне жите. Много новостей со світа, много вістей с фронту, много розказов о приключенях в часі ревизий, арештовань и транспорту, подаваных часто с юмором, розвеселили нас до той степени, же мы забыли на якийсь час о нашої біді и проводили час на жартах и слуханю анекдотов, котрыма сыпал як с рога избылиия особенно пок. о. Корнилий Сенік. Облегчало наше положенне и тото обстоятельство, же начальник суда позволил интелігенции помістити ся в великой салі судовых росправ, отже было нас разом много и мали мы дост много свободы, бо могли выходити на корытар и на двор, окруженный муром.

Тревало тото однак недолго, бо дня 12. вересня рано достали мы приказ паковать наше скудне добро. Уж около години 11. перед полуднем выпровадили нас на двор, уставили в ряды по чотырох и почали числити. Числят и числят. Минат година, минают дві, а они все числят. Коло год. 1. вернули мы до комнат, шобы сїсти обід, а потом знова на двор и знов начинают числити. Тымчасом поволи, початково дробный, а пак чим раз густійший починат ситіти дождж. Одити легко, без верхных накидок, перемокли мы скоро до послідной ниткы, а они все перебігают коло нас и числят. Аж коло год. 4. дочислили ся, бо ктоси с ключников припровадил трох цыганов, які користаючи со взглядной свободы, яку мы там мали, зарыли ся в огороді в гороховянку под шопом и преспокойно спали, не знаючи о том, же мы маме іхати и же нас числят уж от рана. Тепер уж без перешкоды рушили мы на стацию, где розміщено нас в тягарных возах, додаючи до каждого воза по двох вояков - конвоентов.

Треба признати, же администраційны и судовы власти в Вадовицах отнесли ся до нас доброжелательно и ошадили нам много евентуальных неприятностей. Зберавшой ся вокруг суда и по улицах гурмі народа, а также и самым конвоентам сказано, же нас отвозят назад до наших родин, бо оказало ся, же мы невинны и тото стало ся причином, же обышло ся без битя и враждебных криков.

Вечером рушил поїзд и мы поїхали дальше, не знаючи, где нас везут, ани як долго приїде ся нам скытати.

Продолжене в слід. числі.

Што чути в світі і в краю

Мураньки с'їли гроши. Оден купец в Индия Голендерських продал грунт за 34.000 фльоренов и гроши сховал до бляшанки, котрой віко не приставало добре.

Купец тот выїхал в долину подорож, а коли вернул, спостерег, же білы мураньки достали ся до бляшанки и понижили часть грошей. С 2.000 фльоренов не остало ани слїду, а с 6.305 фльор. стали лем стрямбы, на котрых не можна было отчитати нумеру.

Рука людска в пыску льва. В львовском цырку мала місце страшна сцена. В часі представлення стражник, пильнуючий дикы звірята, 27-літний Шумовский, обходив клітки с дикими звірями и коли отворил двери клітки со львом, тот с незнаних причин шмарил ся на него и хопил его несподівано зубами за праву руку так сильно, же моментально отгрыз ему 4 пальцы.

На крик его надбіжала прислуга цырку и с трудом вырвала его с лап звіря, ратуючи ему жите.

Шумовского поміщено в шпиталі.

Дентыста - чудотворец в Кракові. Свого часу доносили мы уж, же до Варшавы приїхал зубный лікар с Румунии, котрый рве зубы пальцами без всякого болю.

Тот лікар - чудотворец приїхал тепер до Хржанова и там на полиций, в суді и старостві выривал пальцами и без болю поспуты зубы и зубны корені урядникам.

Вість о приїзді лікара - чудотворца росышла ся скоро по місті и под комендом полиций, где находил ся тот рідкий человек собрал ся гурма людей, бажаючих вырвати собі зубы. Лікар в пару годинах вырвал понад 600 зубов рижным людям, не беручи за того ниякой заплааты.

С Хржанова выїхал лікар до Кракова, где замешкал в готелі „Польонія“.

От коли носят люде окуляры. Каждый с нас здае собі справу, чим сут для человека добры и здоровы очи. Кто не видит добре, тот уживат окуляров, котры через увеличене предметов позваляють людям аж и в старшом віку читати, писати, або выполняти иншу роботу. История окуляров ест дост цікава. Окуляры были знаны уж в давних часах. Початково были то звычайны шкелка, або дороги шлифованы камені в зависимости от того, кто их носил, бідный, чи богатый. В таком приблизительно як тепер виді появили ся они аж в XIII. столітї, а вынаход окуляров приписуют одны италиянскому банкеру Сальвино дегли Армато с Фльоренции, а инши также италиянови Александрови фон Спино. В XIV столітї уживано уж часто окуляров, а головным осередком их výroбу и торговли была Норымберга в Німеччині.

В позднійших століттях удосконалено окуляры и днеска стають ся они придатны так богатым як и бідным.

Як долго живут деревья. Найдолше живут деревья чатинны. В Калифорнии, в Америкі живут величезны деревья чатинны, званы секвой, або деревья момутовы, котры мають доокола пня 36 метров и сут высокы на близдо 150 метров. Вік тых дерев обчисляют на перешло 5.000 літ.

Тисы живут около 3.000 літ. В Англии сут тисы, котры виділи на суші Великой Британии ище перших римлян. Кипр жие также около 3.000 літ, ядловец — около 2.000 літ, кедр Либану — 1.300, лимба и ялица — 1.000, сосна — 500, смерек — 400 літ.

С дерев листовых найдолше живут дубы и липы, котры могут прожити до 1.000 літ. Клен жие 500 літ, тополя и ольха — 300, верба — 150 літ. Гдеякы гатункы рожи живут до 400 літ.

От 18 літ жие лем самым чаем. Среди лондонских лікарей выкликуе велике заинтересоване 63-літня Гув. Терпит она на дивный недуг, котрого набавила ся перед 18 роками, по повитю першой дітины. Маючи 36 літ, вышла она за муж и долгий час не мала дітей. Аж в р. 1915 повела сына. От того часу не може проглытнути ниякой стравы и жие лем чаем и лемонядом.

В липні згинуло в Палестині 670 людей. В результаті безпокойства в Палестині в місяці липні згинуло от куль 670 людей. В том числі ест убитых 150 арабов и 60 жидов. Раненых ест 256 арабов и 201 жидов. Беспорядкы в Палестині продолжают ся и каждого дня сут новы жертвы ненависти, яка пануе меже жидами и арабами.

Зроснены близнята. В місцевости Бацин в Румунии пришли на світ близнята, котры сут зроснены с собом, як славны сямскы сестры. Близнята мають 2 головы и 3 ноги. Дотепер ховають ся добре.

Червена вода. В Альпах, на озері Товель вода прибрала барву темно-червену. Група

учених выїхала на місце, штобы розслідити того цікаве явлене.

Гады и зміи в Англии. В Англии каждого року появлять ся в часі літа маса ужей и змій, однак уж от давна не было их так дуже як в том році.

Со всіх місцевостей доносят о огромных числах гадов и змій, а также о великом числі случаев покусаня людей.

Прото тыж в лісах Англии уряджають формальны ловы на тоты опасны сотворены. У часть в таких ловах принимают молодеж мужеска, а часто также и дівчата. Зміи в Англии доходят нераз до 1 метра долготы.

Министерство выдало заряджене, штобы всі шпиталі в Англии заосмотріли ся в лікы против укушеню людей через зміи.

Загадкове убийство в Мысцовой пог. кроснянского. В селі Мысцова в повіті кроснянском найдено в студні тіло убитого 32-літнего Ів. Кихы, котрого видно по убитю шмарили убийцы до студні. Причина убийства не знана. Полиция роспочала слідство в цілі выкрыта убийц.

ПОМІЩАЙТЕ
ОГОЛОШЕННЯ
В ГАЗЕТІ „ЛЕМКО“.

ДЕРЖАВНЕ ЗАВЕДЕНЕ КУРАЦІЙНЕ
В БЕСКИДІ ЗАПАДНОМ

КРИНИЦА — ЗДРОЙ

Доїзд СКОРЫМА ПОїЗДАМИ через Тарнов—Новый Санч
БАГОНЫ СЫПЯЛЬНЫ

15 жерел щав желізисто-земельных, богатых в безводник угля. — Здрой Зубера, найсильнійша щав алькалична Европы. (Польске Виши), купелі минеральны: квасоуглевы и боровиновы. КУПЕЛІ СОНЕЧНЫ. — — Заведене заосмотрене в найновійши приряды лічнич. — — Купель газовой сухы.

Пияльня и лазенкы, огріваны в зимі центрально. — Дом здроевый покой с теплом водом.

РЕСТАВРАЦИЯ — ДАНЦИНГ — ЧИТАЛЬНЯ — РАДИО

Театр в сезоні головном, кино, спорты літны и зимушны.

Крыницкы воды лічат:

хвороты сердца, жолудка, жолчи, печенкы, проводов мочовых, женочи-малокровие, нервы — действуют добре на перемену материи и т. д.

Комунальна Каса Ощадности Повіта Краковского в Кракові

Рок основаня 1882.

ЦЕНТРАЛЯ КРАКОВ, УЛ. ПИЯРСКА 1.
тел. 115-97, 131-73, 101-03.

Отділення: КРЫНИЦА, тел. 112.
ВЕЛИЧКА, тел. 6.

Всі порученя входячи в область банковости.

ПОРУЧЕНА ДЕВИЗОВЫ
ПОРУЧЕНА БИРЖОВЫ
СХОВОК АВТОМАТ.

СУМА ВКЛАДОВ ПОНАД 35.000.000 ЗЛ.
МАЕТОК ВЛАСНЫЙ ОКОЛО 6.000.000 ЗЛ.

БЕЗОПАСНОСТЬ.

ДОБРЫЙ ПРОЦЕНТ.